

自序

余賦性孱弱。幼嬰多病。迨丁年尤甚。嘗患內傷。諸藥罔效。於是悉取內經。難經。甲乙經。東垣十書。傷寒六書要論。及薛氏等書。至於殊國僻壤。奇方怪隱。皆沿波溯源。推詳考索。循古人之餘而爲之。不知其已謬已。人情莫不欲言其所自知。交親承是謬推。庸多奏效。妄意遂謂凡病。不出傷寒內傷之範圍也。壬寅秋。天時熱甚。入冬仍不寒。四方疫癘大作。其證似瘧。而寒熱不間斷。似傷寒。而三陽經少陰太陰經證。齊似內傷。而氣口脈不大於人迎。向所妄意以自信者。胥失之矣。彼以傷寒治者七日逝。以內傷七情法治者。先後亦逝。間有染輕本固者。稍淹浹旬。終歸不起。至一發不能言者。其死尤速。惟輕而不服藥者。百起一二。卽老醫宿匠。計與術兩窮矣。然天地之大德曰生。塞極必有以通之者。有宋李待制之書在也。書名瘧瘧。衛生方。專是一證。始以風壤闊越。一涉獵而置之。而後乃知其寶也。論證則辨晰周詳。用藥則簡易平順。可按方於治也。且諸書瘧部。亦嘗及瘧瘧矣。本末未甚悉。豈身而履其地。傳不獲習乎。待制造端。王張討潤。皆因宦彼地。得其真詮。是書賴以全。予始以一二及十百。因沿鄉曲而疏疏遠。隨手應心。刻期色起矣。予秘之。是以人命爲私也。告之同業。懼不能徧。謀梓以廣之。區區之公而已。客有告之者曰。夫瘧何有於瘧哉。閩廣之間。山深雨淫。積嵐爲瘴。黃霧隱天。中人作苦。吾信界在中土。土不同方。風亦殊

俗。曠絕千里。風瘴何從。毋乃巧於署名而炫技乎。予曰否否。諸疾之作。由天時也。四時之變。由氣數也。人身肖天地。與氣順逆也。易曰觀乎天文。以察時變。其徵在國。國實以人。天氣流轉。山澤通之。以時驗變。以人驗時。奧氣不藏。時氣隨之。物直撻天。人直疾病。山川不必同。而氣至則行之矣。故吾信居于閩廣。而氣類之。此瘴癘之所由作也。且如癸卯之冬。四山花木。盎然如春。甲辰夏仲。菊華如秋。六月反擁絮。春秋隕霜不殺。註謂四時失其序。則其施必悖。月令仲夏行秋令。民殃於疫。在昔識之。蓋天失其序。蠶氣旁行。於是乎在邇年以來。冬復大煖。草木禽蟲。不含不蟄。殆物得氣之先。與韓昌黎雪擁藍關句。李唐嶺南尙雪。今絕無之。馴至洛陽杜鵑。天氣自南而北。不尤信乎。客因領之。予又謂瘴癘之瘴。從疒章。言疾彰於外。內無實也。爲瘧。如虎反爪向人也。以瘧施無實之人。故多瀕於死。李待制之調劑思深哉。不揣愚陋。次其源委。附以鄙見。別傷寒內傷諸瘧之形似。詳藥餌之宜用宜禁。驗病色之可治弗治。編曰瘴癘指南車。僭妄之罪。固無所逃。然於活人。或有小補。庸有未盡。以俟後之君子。

萬曆三十七年歲次己酉十月朔信州鄭全望撰

瘧瘧指南目錄

卷上

辨證

瘧瘧形狀	一	發瘧時調理却病法	一一
人身肖天地瘧瘧類天時	二	瘧病中將息法	一二
受病之源	三	瘧病後將息法	一三
瘧瘧傷寒辨	四	灸法	一三
瘧瘧內傷辨	六	瘧後變證	一三
諸瘧瘧瘧辨	七	瘧瘧	一四
傷寒瘧瘧分南北辨	八	腫脹	一五
瘧瘧五臟俱病	九	痰	一六
冷瘧	一〇	升藥	一七
熱瘧	一二	降藥	一八
瘧瘧	一七	平胃	一八
不治證	一八	麻黃	一九
脈	一九	柴胡	二〇
日期	二〇	檳榔	二一
婦人	二一	附子	二二

辨藥

常山.....三三.....紅丸子.....四五

黃芪白朮肉桂.....三四.....感應丸.....四六

酒.....三四.....溫中固下方

卷下

正氣方

陳皮半夏湯.....三七.....沉附湯.....四七

不換金正氣散.....三七.....冷湯.....四八

藿香正氣散.....三八.....既濟湯.....四八

太無神朮散.....三九.....冷香湯.....四九

二陳湯.....三九.....三建湯.....四九

養胃湯.....三九.....鎮下方

和解方

和解散.....四〇.....養正丹.....五〇

溫中方

附子理中湯.....四一.....黑錫丹.....五一

治中湯.....四二.....來復丹.....五一

真武湯.....四二.....靈砂丹.....五二

嘉禾散.....四三.....七衰湯.....五三

平胃散.....四四.....四獸飲.....五四

斷瘰方

截瘰丸.....五四

七寶飲

五五

溫膽湯

六二

治癰瘡方

如聖餅子

六二

麥門冬湯

五六

六和湯

六三

黑神散

五六

參蘇飲

六三

青州白丸子

五七

柴平湯

六四

星附湯

五七

樂令黃芪湯

六四

三生湯

五八

星香湯

六四

正舌散

五八

附香飲

六四

附諸方

蘇感丸

六五

柴胡散

五八

蘇合丸

六五

草果散

五九

蘇子降氣湯

六五

奪命散

六〇

秘傳降氣湯

六六

五苓散

六〇

沉香降氣湯

六七

烏沉散

六一

四物湯

六七

加減五積散

六一

四七湯

六七

黃芪建中湯

六一

木香檳榔丸

六七

異功散

六一

香薷飲

六八

大君子湯

六二

香連丸

六八

大養脾丸

六二

變亂丸

六八

斷下方	六八	五皮飲	七二
真人養臟湯	六九	實脾散	七二
保和丸	六九	五苓五皮散	七二
四神丸	六九	胃苓湯	七二
七味白朮散	六九	木香流氣飲	七三
補中益氣湯	七〇	金匱腎氣丸	七三
四柱散	七〇	導痰湯	七三
參苓白朮散	七〇	通關散	七四
震靈丹	七〇	蜜導法	七四
敗毒散	七一		
進食丹	七一		
補脾丹	七一		

附痢瘧方

瘧瘧指南卷上

信州鄭全望靈緒先生原著 杭州徐志源句讀

辨證

瘧瘧形狀

或問曰。發熱頭痛。人俱稱爲傷寒。一以傷寒藥治之可乎。予曰。當有所辨。諸般發熱。種種不一。而最毒者在內傷有瘧瘧。或曰。若內傷果有東垣內外傷論。辨別詳晰。甚爲有理。若醫瘧瘧。則不能無疑矣。將以予爲妄。吾見子治斯病。活人甚多。但未聞是書。未聆是語。當明以告我。予曰。傷寒內傷。所病處廣。況立法者乃仲景東垣二人聖醫也。名重寰宇。而擴充是法者。陶節庵薛立齋二君。故其書傳之廣。而心於活人者。未有不讀也。若夫瘧瘧。惟炎方有之。僻於一隅。況業醫者鮮。惜李待制治瘧之聖。其書所傳不廣。宜乎吾子之未聞是書。未聆是語。或曰。既有是書。其病形可得聞歟。予曰。其病有三。而形狀不外於頭痛。發熱。腰重。腳軟。或冷。或嘔。或泄。或大便秘。或小便赤。面赤。目紅。口渴。心煩。胸中大熱。舌或黑。狂言譫語。欲飲水。欲坐水中。或吐血。或衄血。或腹痛。或有汗。或無汗。諸證。以有寒有熱者爲寒瘧。或問曰。或不問曰。爲易治。以單熱不寒者爲熱瘧。爲難治。得問曰。猶可以不言語。惟噫噫作聲者。爲瘧瘧。爲不治。瘧瘧之形狀。大都如是矣。

人身肖天地瘴癘類天時

天以一氣覆於上。地以一氣載於下。人居覆載中。若何能與覆我載我者相肖也。上古聖人等天地人爲三才。豈無灼見而妄立說耶。蓋謂天以輕清之氣上浮而下轉。地居其中。而乾健之運。無一毫少息。若一毫不續。則穹壤判。一息不運。則機械窮。人身肖之。其氣亦無息。天以日月循環。人以榮衛循環。地有九州。人有九竅。經曰。天氣通於肺。地氣通於膈。風氣通於肝。雷氣通於心。穀氣通於脾。雨氣通於腎。六經爲川。腸胃爲海。九竅爲水注之氣。陽之汗以雨名。陽之氣以風名。人之一身。身以上其氣象天。身以下其氣象地。故天不足西北。而人之耳目。右不如左之聰明也。故西北之人。頭常冷。地不滿東南。而人之手足。左不如右之利便也。故東南之人。腰足常冷。天有陰陽。以生風。暑濕燥寒。地有陰陽。以生木火土金水。人有陰陽。以生肝心脾肺腎。天氣以四時溫熱涼寒。運於上。地氣以生長收藏應於下。而人之陽氣。以升降沉應之。爲生生不息之妙。何也。天令春。其氣溫。惟其氣溫。故地中之陽氣。鼓動而升於外。以生萬物。人之陽氣。亦應之以升。天令夏。其氣熱。惟其氣熱。地中之陽氣。盡出於外。以長萬物。所以地之下極寒。人之陽氣亦應之。盡出於外。脾坤土也。冢地。斯時脾土亦寒。天令秋。其氣涼。惟其氣涼。所以陽氣能降於地。而行收成之令。人之陽氣亦應之。而降於內。天令冬。其氣寒。惟其氣寒。陽氣盡沉於地。而成閉藏之令。所以地之下煖。人之陽氣

亦應之。沉藏於內。斯時脾土亦燠。此天地得其常。而人之災害亦不生。發瘴之地則不然。春夏多寒。秋冬多熱。盛夏久雨。則可挾纘。隆冬久晴。寧不搖扇。一日之間。日未升則寒。日中則熱。日入又寒。一日一夜。寒暑迭變。無論四時久晴則熱蒸。蒸極則雨。雨下則濕蒸。雨久則淒涼。人生其間。飲食起居。安能一一謹慎。稍失調養。便感此乖戾之氣。而發寒熱。卽謂之瘴。然瘴之發。多在秋冬。以其天氣熱。地中之陽氣。不能收藏而外泄。故草木不花而花。不葉而葉。人之陽氣亦應之。不能收固。而恆泄之於外。惟其外泄。則脾土所以內虛寒。身以上象天則極熱。身以下象地則不熱而寒。或熱蒸極而汗。汗出則淒涼。其人身之寒熱濕蒸。一與天時相似。故曰人身肖天地。瘴癘類天時。知斯道者。則治瘴之法過半矣。

受病之源

南方之地。寒暑不時。春夏淫雨則多寒。晨夕霧昏。地下濕蒸。故陰濕之氣常盛。秋冬久晴則多熱。草木不凋而放花。故陽燥之氣恆泄。晝燥夜寒。晴霽熱。陰雨寒。人居其中。因寒濕之氣盛。故下體重。濕生痰又多痰。因秋冬熱。故熱多上壅。膚多出汗。致腠理不密。陽外而陰內。陽浮而陰閉。於斯時也。若飲食失度。起居不時。及食生冷。食炙煎。則痰與食相併。積於胃。而寒熱之病作矣。或不避暑。奔走於日中。或避暑而坐臥當風。閉其汗孔。使汗不出。此病亦因之而作。或因其晨多霧而寒。飲酒以禦。

之少焉。日出而熱。則酒與痰相併。滯於膈上。此病亦因之而作。或晨寒而少衣。或夜冷而薄衾。則寒與痰相併。亦作寒熱。或因晨寒多衣。行至日中未解。則暑與痰相併。亦作寒熱。要之此病之本。本於天氣熱。元陽恆泄。在人之陽氣自不降。而內又多痰。再不能調攝。感於不正之氣。宜其病有上熱下寒之證。所謂無痰不成瘧者是也。養生者能遠房室。省勞役。毋食生冷。毋食炙煎。毋醉早酒。毋飽晚飯。毋乘暑行走。毋當風坐臥。一日之中。順其寒暑。而加減衣裳。則瘧雖毒。庶可免矣。

瘴瘧傷寒辨

外傷寒邪之證。與瘴瘧俱有寒熱。醫者盡以瘴瘧作傷寒。率用汗吐下之法治之。其枉死者不可勝計。由其不辨寒熱證候耳。今細分之。經曰。冬傷於寒。春必病溫。冬若卽病。謂之傷寒。不卽病至春變爲溫病。至夏變爲熱病。其病也多自太陽經始。故發熱惡寒。頭痛。腰脊強。無汗。口中和。而不惡食。脈浮緊爲傷寒。或惡風自汗。而脈浮緩爲傷風。其熱無退時。若傳經。或傳陽明經。則有目痛鼻乾。不得眠。脈長之證。或傳少陽經。則有耳聾脇痛。口苦嘔吐。舌白。胎脈弦之證。若傳陽明腑病。爲入裏。舌胎黃。口渴。心煩。舌乾。不惡寒。反惡熱。揚擲手足。揭去衣被。狂言譫語。脈洪數。內實之證。宜用下劑。下遲則入陰經。方舌黑。大凡傷寒之熱。全不間斷。直至傳入裏下後方罷。經曰。夏傷於暑。秋必痲瘧。夏暑汗不出。秋成風瘧。是知瘧之發。多因於暑。故發瘧之地。四時常似夏。其病也無傳

經。若是冷瘴。則有惡寒。發熱。頭痛。腳弱。腰重。口中不和。嘔吐。或不嘔吐。脈弦帶數。一呼一吸。脈來六至。或七至八至。或先寒後熱。或先熱後寒。方其寒也。脈則沉遲而伏。及其熱也。脈則六至七至而弦洪。渴欲飲水。飲則多吐。揭去衣被。待其汗出。熱則退矣。或無汗而熱久亦退。或間日再發。或一日一發。此爲輕證。若是熱瘴。則不惡寒。惟發熱。壯熱。頭痛。身倦。腰重。腳弱。煩躁。胸膈不利。嘔逆。或不嘔逆。自利。或不自利。小便赤澀。口渴。脈洪弦。七至八至。熱亦不間斷。一日二日。舌便黑。目紅面赤。渴欲飲冷。與之水亦能飲。狂言譫語。或大便閉。至日晡尤甚。與傷寒下證無異。細察之。身中之熱有不熱處。以手捫之。額上極熱。面微熱。鼻尖涼。心胸及腹極熱。背微熱。腰以下不甚熱。重者常冷。或厥。且譫語。以手捫心胸。踰臥狂起。則腳重無力。何也。瘴病是上熱下寒。故腰以下不熱而沉重。上身之證雖陽。而陰證隱具於其中。鼻尖爲年壽宮。年壽屬脾。脾寒所以鼻尖涼。此病是外熱內寒。熱證雖見於外。而內寒之證。驗於鼻尖。踰臥。又手冒胸。隱然見矣。或謂是傷寒陰證似陽亦非。是若陰證似陽。渴欲飲冷。與之冷則不飲。瘴病與之則能飲。若用藥得宜。則熱退。或得間日熱退時。則脈微弱。非復前之洪弦數矣。大抵瘴與傷寒。大不相同。傷寒因於寒。瘴病因於暑。傷寒有傳經。有變證。有傳染。而瘴病不傳經。無變證。不傳染。若醫者誤認惡寒。發熱。爲表證。用傷寒汗藥。以狂言譫語。大便秘。舌黑。爲裏證。用傷寒下藥。則不旋踵而告變矣。

瘧瘧內傷辨

內傷飲食。勞役過度之病。其發熱惡寒與瘧瘧相似。若以瘧瘧而用內傷勞役之藥治之。則神識昏亂。譫語如狂。其熱愈劇。服多亦至不起。由不細察其證候耳。今細辨之內傷勞役之病。其惡寒也。見風見寒。居陰處無日陽處則惡之。若避風寒。居溫煖處。或添衣被。則不惡也。或雖發寒。一煖便已。其發熱也。蒸蒸然上徹頭頂。傍徹皮毛。下至腰足。渾身燥熱。若袒衣被。近寒涼處則已。或熱極而汗出亦解。若涼片時即惡寒。添衣被則不惡寒。又發熱直至甘溫之劑進多。則病已。其他頭痛。身重。手心熱。口渴。舌煩。舌黑。妄語。妄有見聞。大便秘。或泄。小便赤澀。或嘔。口不知味。其脈氣口洪大。或兼各臟形證。內傷之病如此。瘧瘧之作。其寒也。先起於毫毛伸欠。乃作寒慄鼓顙。腰脊俱痛。雖重衣厚被。滾湯熱火不能溫。寒去則內外皆熱。渴欲飲冷。雖袒去衣被。重冰泉水不能寒。或先寒後熱。或先熱後寒。或一日一發。或間日一發。或一日二三發。此是冷瘧。其脈洪弦數。冷瘧與內傷。其寒熱不同。又如此。惟熱瘧。熱未間斷時。又當細辨之內傷之熱。渾身上下皆熱。熱瘧之熱。惟額極熱。胸腹極熱。腰以下則不熱。足發厥。又易辨之。亦有足熱者。雖熱亦不甚。內傷之熱。袒去衣被。即解片時。熱瘧之熱。即臥於冷地亦不解。內傷之脈。氣口獨洪大而六至。熱瘧之脈。六脈俱弦洪而七八至。或陽證而見陰脈。要之兼證雖多。惟以寒熱及脈。潛心分別。則瘧瘧內傷。若冰炭矣。苟誤認瘧

瘧爲內傷。而用補中益氣湯。則熱愈劇。而神愈昏。蓋瘧因陽氣不降而然。升麻柴胡。乃輕清升藥。使不降之陽氣。愈飛越矣。瘧乃類天時。天氣鬱蒸。得雨方解。瘧之熱悶。欲俟下元溫固。自然出汗方舒。黃芩。白朮。斂腠理藥也。使腠理閉塞。汗不得出。愈加熱悶。神昏矣。若是內傷。此藥一進。病勢卽漸減。縱不減。亦不加。病之疑難如此。醫者不明望聞問切之理。不分別其內傷瘧瘧傷寒。而妄爲施治者。屠創之流也。

諸瘧瘧瘧辨

或曰。傷寒內傷瘧瘧之不同。已知之矣。敢問瘧與瘧。何以辨之。予曰。有三陽經瘧。三陰經瘧。五臟瘧。又有以寒多熱少者。及單寒者。名寒瘧。寒熱相半者。名溫瘧。單熱不寒者。名瘧瘧。胸膈痰痞。心下脹滿。氣逆煩嘔。爲痰瘧。噫氣吞酸。胸腹脹。吐酸惡酸。惡食爲食瘧。惡風自汗。筋骨痛。抽搐爲風瘧。面垢口渴。心煩多汗爲暑瘧。三日一發。久而不愈爲痼瘧。表裏俱虛。客邪未散。真氣不復。間一日連二日發。或疾雖間。遇勞卽發。久而不瘳爲勞瘧。進退無時。進則神昏。退則如常。爲鬼瘧。久而不瘳。膈下結塊爲瘧母。發於陽者爲牡瘧。發於陰者爲牝瘧。雖種種不同。其大略不外於一日一發。或二日一發。三日一發。有間一日連二日發。有一日兩發。有日與夜各發。有上半日發。有下半日發。有有汗。有無汗。此一定之規。若瘧瘧。只是三證。以有寒者爲寒瘧。單熱者爲熱瘧。不語者爲瘧瘧。其始發也。多不間斷。重者七日方間斷。其間斷也。一日十二時。只間

一二時卽發。亦有間斷半日者。退去時莫起動則可。若起動則又發。終屬難退。卽退去。胸腹之熱尙在。或間一日一發者。其發時去死一間。其退去之時。渾身上下筋骨若無。其難過也。不可以言語形容。非若諸瘧退去之時。卽如平人。又或先輕後重。或先重後輕。或先間斷而後反不間斷。或先不間斷而後間斷。變怪不常。非若諸瘧作息自有定期。以此辨別。皎若日星。其治諸瘧用藥錯者。尙可救療。瘧瘧用藥一錯。禍如反掌。瘧最忌者。汗吐下。及小柴胡湯。柴苓湯。解肌湯。其故何也。蓋瘧因陽氣外泄而然。發汗之藥。多驅內陽外泄。是重虛其內。所以多死。瘧因陽氣不降於下焦。吐則陽氣愈上升。下元無陽氣。是無根也。故死。瘧疾是下真寒。而上假熱。下藥太寒。一下咽則中寒大作。陽氣隨之卽脫。所以死極速。瘧病外雖熱而內實寒。故人謂瘧疾爲脾寒。正謂瘧也。故小柴胡柴苓解肌之類。其性俱大寒。服之則外熱不降。而內寒更甚。故至外熱微時。裏外俱無陽氣。所以難救。欲治斯病。醫者自首至尾。不可妄用一藥。只遵大法。溫中鎮下。正氣和解。且攻且守。主病者。無責速效。病者能慎疾。則治自愈。萬不失一矣。若夫瘧瘧。當歸之天命。千百中可救一二。非人力之所能爲也。

傷寒瘧瘧分南北辨

或曰。如子之言。傷寒因於寒。瘧瘧因於熱。則北地多寒。傷寒乃北方之病。南地多熱。瘧瘧乃南方之病歟。予曰。子言亦有理。上古聖人。亦有異

法方宜之論。然不可執一不通。第曰北方傷寒病多。南方瘴瘧病多。則可。若曰北方無瘴瘧。南方無傷寒。則不可。蓋天道無常。假令北方暑熱過多。秋時暴熱數日。北人感此氣。亦多病瘴。廣之東南。設有冬時大寒數日。南方素無寒。若感此氣。亦多病傷寒。故醫者當上察天時。四時溫涼熱寒。上明五運六氣。司天在泉之理。下察四方風土之宜。中辨病人平日之性。宜涼宜熱。平日是何脈。再審今病。或外傷風寒暑濕。或內傷飲食勞役。七情男女。或感乖戾之氣。而爲瘴。灼見其病之在何經何臟。宜補宜瀉。宜吐宜汗。宜溫宜和解。萬舉萬全。庶不愧爲醫矣。

瘴瘧五臟俱病

夫人身自胸膈至頭爲上焦。其氣象天。自胸膈至腹爲中焦。其氣象人。自腹至足爲下焦。其氣象地。以五行論之。上焦屬丙丁火。中焦屬戊己土。下焦屬壬癸水。在五臟心肺陽也。居上。脾陰坤土也。居中。腎肝陰也。居下。必也陰能升。陽能降。以成水火之既濟。天地之交泰。則爲平人。若夫發瘴之地。秋冬多熱。則人身陰陽之氣。上者自上。下者自下。而成火水之未濟。天地不交之否。故一觸外邪。五臟俱病。其病多上熱下寒。外熱內寒。何也。天氣通於肺。天氣熱故肺熱極。所以大渴引飲。小便頻數。或遺尿。氣逆胸中痞悶。或衄血。心在上焦火位。天氣熱故心熱極。所以心煩悶亂。狂言譫語。神識昏沉。晝不知人。或吐血飲冷。舌黑面紅。口唇生瘡。脾爲中州坤土。天氣熱則地中陽氣恒浮而不降。地下無陽則寒。

故脾土虛。所以鼻尖涼多痰。肌肉削不能食。面黃四肢無力。或嘔或泄。中焦虛。痞氣倦怠。肝腎居下焦地之分。天氣熱。陽氣不降。地下無陽。故肝腎虛寒。所以腰重脚弱。筋骨痛。腿足寒厥。或吐衄。或吐沫。瘧病一作五臟之證俱見。非若傷寒之傳經。傳一經方見一經之證也。知此則知傷寒汗吐下之法。不當施於瘧瘧矣。而治瘧之法。當知升降浮沉則順之。寒熱溫涼則逆之之理。必使心肺之陽降於下焦。俾下元溫煖。下元者人身之根本也。溫煖則根本固。根本固則邪熱退。諸病息矣。

冷瘧

其證惡寒。發震。發熱。頭或痛。或不痛。或嘔吐。或不嘔吐。胸膈痞悶。身重。腰痛。脚軟。或先寒後熱。或先熱後寒。寒時雖厚衣被不能溫。熱時雖臥冷地不能涼。或大渴飲水。或一日一發。發時多。退時少。或間日三日一發。所兼之證極多。不能盡述。惟以其有寒。謂之冷瘧。有陰有陽。故諺有云。冷瘧必不死。此瘧之輕者也。其脈或寒時微遲。熱時弦數。或來六七至。或陽證見陰脈。

治法先用感應丸十四粒。薑湯送下。次用陳皮半夏湯三四服。或不換金正氣散三四服。重者七八服。方用和解湯三四服。或七八服。加厚桂更好。得寒熱間斷多時。後用截瘧丸酒送截之。或養胃湯不已。四獸飲此常法也。

如往來寒熱。痰涎嘔吐。頭痛及身。腰痛如被杖。汗多煩躁引飲。自利。小

便赤。或如中風者。薑附湯主之。如寒熱往來煩渴。手足冷。鼻尖涼。身重。舌黑。渴欲飲水。自利嘔逆。汗出惡風者。乾薑附子湯主之。如上半身熱極。下半身冷。腿足寒厥者。沉附湯主之。或送養正丹。黑錫丹。靈砂丹。如發熱。手足厥冷。煩渴。悶亂。上吐下瀉者。附子理中湯主之。如發熱。咽隘乾燥。焦煩大渴。飲水不止者。冷湯主之。或既濟湯理之。渴甚者。奪命散加附子湯主之。

如發熱腹痛。頭目昏沉。四肢疼痛。大便自利。小便或澀。或利。或嘔。或咳者。真武湯主之。

如發熱惡寒。嘔不止者。藿香正氣散主之。夫瘴病多嘔。病因飲食傷脾而得。又炎方之病。氣多上逆。痰與氣併而上。故多嘔。如因食生冷太過。嘔而惡食。頭目昏沉。肢體拘急。痰多腹痛者。養胃湯加附子沉香主之。嘔甚送來復丹。或治中湯主之。

如嘔吐膨脹者。二陳湯送感應丸。

如嘔而胸膈不快。脇筋脹滿。心腹刺痛。食少多痰。吞酸噎氣。及見證不一者。以嘉禾散主之。

如寒熱往來。惡心嘔吐。吞酸噎腐。腹痛痰痞。不能食。紅丸子主之。

如大便秘者。先服和解湯。自然通利。或秘甚者。用嘉禾散。加蜜主之。又有多日不通者。看病勢何如。得大便利而後病方得愈。方可用蜜導法。若不甚急。只以治瘴為主。得熱瘴不來。大便自然通利矣。